

DISSERTATIO
De
OFFICIALIBVS
IMPERII ROMANO-
GERMANICI

Quam
D. O. M. A.

PRÆSIDE

Viro Amplissimo & Clarissimo

DN. HERMANNO CONRINGIO

Phil. & Med. D. ac in hac illustri Juliâ

Professore celeberrimo &c.

Præceptore ac Fautore suo summè colendo


solenni eruditorum disquisitioni

exponit

CONRADVS FRIDERICVS à Burgstorff

Eques Marchicus

Auctor.



Ad d. XXIII. Octobr.

℞ (o) ℞

HELMESTADII

Typis HENNINGI MÜLLERI, Acad. Typogr.

Anno MDCCCLXIX.

1870

OFFICE

THE

OF

THE

OF

OF

OF

OF

OF

OF

OF

OF

OF

OF



SERENISSIMO ET POTENTISSIMO PRINCIPI
AC DOMINO


DN. FRIDERICO
WILHELMO

MARCHIONI BRANDENBURGENSI
S. R. I. ARCHICAMERARIO ET ELE-
CTORI. MAGDEBURGI, PRUSSIAE, JULIAE, CLIVIAE,
MONTIVM, STETINI, POMERANORVM, CASSVBI-
ORVM, VENEDORVM, IN SILESIA CROSNAE ET
CARNOVIAE DVCI, BVRGGRAVIO NORIMBER-
GENSI, PRINCIPI HALBERSTADII MINDE ET
CAMINI, COMITI MARCAE ET RAVENSPERGI,
DOMINO RAVENSTEINII ET DITIO.
NYM LAVENBURG ET
BVTAW.

PIO, JUSTO, FORTI, PACIFICO,
PATRI PATRIAE,
DOMINO MEO CLEMENTISSIMO
FELICITATEM PERPETVAM!



SERENISSIME AC POTEN-
TISSIME PRINCEPS ELECTOR,
DOMINE CLEMEN-
TISSIME,



Vod Serenissimi
Nominis Tui splendore ju-
venilis hujus opellæ frontem
illustrare conor, quin audax
imo temerarium facinus
haut pauci sint interpretatu-
ri, equidem non ambigo. Quod si enim ad ex-
celsum illud ad quod supra mortales altè
evectus es fastigium oculos elevent, & ex ad-
ver-

versum dissertatiunculæ hujus, nullo doctrinæ aut sermonis nitore expolitæ, ejusdemque auctoris tenuitatem respiciant, minus ex decore fecisse me, inque Augustam Celsitudinem Tuam peccasse profitebuntur. Verùm aliorum quidem judicia non est quod vel extimescam inagnopere vel placare studeam; postquam non spes tantum, sed & fiducia me illa tenet, quæ est Tuæ Serenitatis admirabilis atque inusitata in illo culmine clementia, fore, ut exiguum hoc devotissimæ erga Te, Clementissime Domine, venerationis ac obsequii mei specimen benigno vultu sis excepturus. Etenim præter alias quæ non Germaniam modò nostram, sed Europam universam; imo orbem terrarum in admirationem rapis, quæis cunctos præcæcis temporibus celebratos Heroes provocas, virtutes verè divinas, grato erga omnis boni æternum largitorem animo

agnoscimus ac veneramur nobilitatam illam
comitatem Tuam, è qua tanquam è perenni
ac inexhausto fonte tot benignitatis & muni-
ficentiæ rivuli in eos, quos per vastum Ger-
maniæ tractum felici imperio contines, sub-
ditos promanant. Quos cum & in nostram
familiam, inq; ea in carissimum Parentem me-
um, Serenitatis Tuæ per viginti & amplius an-
nos fidelem ministrum, gratiâ indulgentissimâ
largiter derivaveris, & adhuc derives, patere
quæso, Principum Optime, ut, cum alia ratio-
ne nequeam, saltem hujusce tirocinij Acade-
mici humillima oblatione, gratisimæ mentis
meæ, levidense quamvis, præbeam testimoni-
um. Equidem in quartum jam annum in hac
Juliâ Academiâ, Serenitati Tuæ singulariter
devotâ, vixi, præterque alia, quibus mediocri
industria invigilavi, studia, ad Imperij rei que
Germanicæ notitiam comparandam duce ac
præmonstratore celeberrimo Conringio ani-
mum

mum appuli:quam cum prudentiæ civilis ac-
curata cognitione, Historiæque patriæ interio-
re scientiâ, tanquam duobus oculis, unicè
illustrari perceperim, his ut pectus imbuerem
qua potui diligentia sum connisus. Nunc pe-
grinationem in oras exteras Dei auxilio in-
gressurus, meque ad servitia Tuæ Serenitatis
propiùs paraturus, ante otij literarij in hoc
Lyceo exacti, isthac, ubique sane nobilissimæ
materici suæ impari, scripturâ, rationem vo-
lui reddere. Quamut Tibi, Potentissime Do-
mine, venerabundus offerrem, ni mea mihi
religiosa pietas erga Te, ¹ quem mihi Princi-
pem supremum & Deus & nascendi conditio
præfecit, imperaret, vel argumentum suadere
poterat, cujus haut modica pars Te gloriosis-
simosque Majores Tuos contingit. Admitte
igitur, Serenissime Princeps, mēte manu-
que propitiâ hoc obsequii mei minutum sym-
bolum,

bolum, Tuamque gratiam ac Principalem
favorem nobis serva.

Deum veneror, ut firmam Tibi valetudi-
nem, vitam prolixam, imperium florens, ac
non nisi cum orbe finiendam posteritatis feli-
citem coelitus largiatur. Dabam Helm-
stadii in Acad. Julia d. xxiii. Octobr. Anno
cdo Isc LXIX.

Sereniss. Potentiss. Celsitud. T.

Humillimus ac Obsequentissimus
Servus

CONRADVS FRIDERICVS à Burgstorff.



QUOD DEUS BENE VERTAT!

DE

OFFICIALIBVS IMPERII RO-
MANO-GERMANICI

THESIS I.

BEr juris publici Romano-Germanici capita & titulos animum ac cogitationes circumferenti apparet, vix esse ibidem illustriorem locum eo, qui de illorum Principum, penes quos electio Imperatoris Romani est, juribus ac dignitate tractat. Quod si enim verè Carolus IV hos, columnas quæ sacrum ædificium circumspectæ prudentiæ solerti pietate sustentant, candelabra queis Imperium nostrum illuminatur, si recte Sigismundus eosdem, decus Imperii, in quibus gloriæ Imperialis celsitudo consistit, appellitavit; illa profecto quæ ad horum dignitatem, officium, potestatem atque privilegia pertinent, ut accuratè ac plenè cognoscat, vel in præcipuo habebit negotio publici juris studiosus, siquidem rerum suarum velit satagere. Cum enim hi multo maximâ per Germaniam gaudeant potentiâ, jus eligendi Im-
B perato-

peratorem possideant, & hætenus perquam diu potestatem legislatoriam circa leges Capitulares Cæsariibus præscribi solitas (quibus utiq; potissima pene ratio regundæ reipublicæ est comprehensa) exercuerint, cum iidem coronâ Germanici regni electum Regem ornandi jus habeant, tum & possint quotannis conventus celebrare reliquis exclusis, & de iis quæ ad patriæ salutem pertinent conferre consilia ac præconsultationes instituere, ut cetera quæ ad eorum eminentiam pertinent præteream, eos vel præcipuo post Imperatorem in republica nostra esse loco, liquidò apparet. Prout non est novum aut insolitum, ut in mixta republica (qualem utique nostram illam esse, plerorumq;, quibus aliquis civilium rerum intellectus est, confessione constat) una aut altera pars præ ceteris in quibusdam majorem obtineat auctoritatem ac potestatem.

II.

Nobis brevem quandam exercitationem Academicam meditantibus, nec facultas nec animus est, ea omnia, quæ de ipsorum juribus amplissimis dici queunt, exponere. Quin potius suffecerit nunc saltem de officiis quæ singulis illis competunt, nonnulla commemorare. Etenim vel in vulgus notissimum est, eosdem illos quos Electores vocamus, Officiales quoque Imperii hodiè esse, inque his, præter tres ArchiCancellarios, esse ArchiDapiferum, ArchiMareschal-

Marschallum, ArchiCamerarium, ArchiPincernam,
& ArchiThesaurarium. Ceterum qua ratione cœ-
perint hæc officia, quâ factum, ut ad hos, qui hodie
iisdem gaudent, ea fuerint devoluta, haut adeo per-
vagatum est: quin potius multis ea res difficultatibus
est immersa; certè à nemine, quod sciam, ex profes-
so penitus & pro rei dignitate exposita. Et ipse sum-
ma hic modò fastigia rerum carpam, designando
magis hujus argumenti capita, quam illud plene per-
tractando: solidiorem pleniorque ejusdem ex-
positionem illis qui ab ingenio, doctrina ac historiæ
Germanicæ peritia instructiores sunt, transcribens.

III.

Quid autem Officii & Officialium nomine nobis
veniat, non erit, opinor, necessum hic declarare, quan-
do quidem è thesi anteriori patet, illud hîc non pro
munere, quovis sive publico sive privato quod belli
pacisve tempestate geri solet accipi, sed specialiter,
pro iis quæ Electores in curia Imperiali ab antiquo
obire solent munus sumi; qui in quantum illa officia
obtinent, peculiari appellatione ac titulo Officiales
dicuntur. Quantumvis enim & Vicarios Imperii, &
illos qui belli tempore communi Ordinum suffra-
gio Duces constituuntur, non malè Officiales Impe-
rii possis usurpare: nostro tamen instituto ista acce-
ptio non congruit. Illud potius est, quid Romano-
Germanici Imperii voce denotemus, ostendere. So-

lent enim hi de quibus agere instituimus', *Imperii Romano-Germanici Officiales* nominari, cumque ad unum etiam ab exteris Regibus destinatur epistola, exempli gratia, *S. Rom. Imp. ArchiCamerario* inscribi literæ, Enimvero ad vetera respicientibus tempora liquido apparet, nunquam Germaniam nostram Romæ fuisse subiectam, sive illud, quo maxime Romanæ res floruerunt, ævum, sive sequens consideremus. Reliquiæ autem Romani Imperii veteris Regibus Francorum cesserunt. Etenim cum Romani Pontifices potentia Longobardorum, populi Germanici, Italiam vastantium ac sibi subjiicientium, soli pares se non esse cernerent, necessitate adacti auxilium Regum Francorum, quorum tum temporis per Europam magnum nomen ac robur erat, implorarunt, qui cum subinde haut segniter opem iis tulissent, tandemque Carolus, virtute sua rebusque gestis Magni nomen meritus, devicto Desiderio omne quod per Italiam Longobardi tenuerant, armorum felicitate subegisset, huic testandi grati animi eundemque magis sibi conciliandi ergo Papa consensu populi titulum Augusti atque Imperatoris contulit. *Eginhard. in vita Caroli. Annal Francor. ann. 801.* Quo ipso non quidem provinciæ imperii Occidentalis amplissimæ quæ antea ad Romanos pertinuerant, ad Carolum sunt devolutæ, (harum quippe jam dudum possessionem atque jus recuperandi easdem Romani amiserant) nedum dominium

dominium universi terrarum orbis eumve occupandi jus Carolo cessit, sed ad eum pervenit hereditarium dominium Romæ atque Patrimonii S. Petri quod vulgo audit, inque ipsum Pontificem potestas.

IV.

Hæc prima hujus appellationis quasi fundamenta meritò constituuntur, atque sic simul Carolus M. & Francorum Rex fuit per successionem in locum patris Pipini, & Longobardorum, quos armis subegit, & postquam prædicta regna per complures annos gesserat, Romanus Imperator populi Romani & primarii ejus civis Papæ unanimi consensu renunciatus est, quod postremum A. C. 1000. contigit. Rem quidem ipsam antea tenebat, à Pontifice autem coronatio, unctio & consecratio, honoris magis morisque, ut solet, quam necessitatis causa, adjecta est. Inde ægrè ferentibus Imperatoribus Constantinopolitanis, jus in urbem Romam ad se spectare fortassis haut sine ratione professis, cum Nicephoro ultro de finibus Imperii transegit: qua transactione vel præcipue jus illud Caroli niti videtur. Pater vero ex his nonnihil insignis illa Carolini imperii amplitudo, inquam & filius ipsius Ludovicus Pius, fratribus ante parentem demortuis, solus successit; quæ tamen deinceps à Ludovico Pio inter tres filios Lotharium, Ludovicum, & Carolum, dein ab his ipsis post cruenta admodum prælia instituta in partes tres

divisione est distracta. Vid. post *libri de Finib. Imperii cap. 3.* celeberrimus Boeclerus in *Lothario*. Etenim ex his Lothario Imperium Romanum proprie dictum, Italia, Provinciæ s. Burgundiæ regnum, & Galliæ pars intra Mosam, Scaldin Rhenumque sita (quæ & ab eo Lotharingiæ nomen est sortita) celsit, Ludovico Germania & urbes paucae TransRhenanæ, Carolo verò Gallia reliqua collata est. Ubi clare Germanici Regni à Romano Imperio distinctio patescit, quæ etiam usque ad Ottonem M. mansit, nec usque eo Germania vel vulgo Imperii Romani pars est habita. Seculo vero X Otto M. profligato Berengario nactus est summum in urbem, Papam & patrimonium Ecclesiæ Romanæ imperium, facta isthîc à Pontifice solenni coronatione. Dehinc autem sub Leone VIII Otto jus illud in perpetuum Germaniæ ejusque Imperatoribus conjunxit, ut protinus qui electus esset Germaniæ Rex, juseo ipso in Pontificem, urbem & suburbicarias provincias consequeretur, isque Imperator Romanus sit, nulla licet auctoritate Pontificis accedente. Quod dein confirmatum est, pactis inter Ottonem III Imperatorem hujusque consanguineum Gregorium V Papam initis. Quo respexit rerum FridERICI I elegans scriptor Guntherus, cum *Ligurini lib. 1. v. 249. & seqq.* ita canit:

*Ex quo Romanum nostra virtute redemptum
Hostibus expulsis, ad nos justissimus ordo*

Translu-

*Transulit Imperium; Romani gloria regni
Nos penes est: quemcunque sibi Germania Regem
Præficit, hunc dives submisso vertice Roma
Suscipit, & verso Tiberim regit ordine Rhenus.*

Quamvis autem per hoc pactum Germanicis Regibus perpetuum jus ad Imperatoriam dignitatem quæsitum sit, nihilo tamen minus mansit hæc inter distinctio, nec successores Ottonis, Imperatoria licet jura exercentes, titulum Imperatorium gesserunt ante, quam uncti à Pontificibus atque coronati fuere. Quod etiam discrimen Germanici ac Romani Imperii probè observans Maximilianus I Romano nomini titulum Regis Germaniæ adjecit: ut patet ex princ. des *Reichsabschieds zu Trier und Coln de anno 1512*. Quæ omnia accurate dudum docuit Amplissimus Dominus Præses tum tractatu *de Germ. Imp. Rom. tum libro de Finib. Imp. Germ.*

V.

Neque tamen exinde eripiendum prorsus est Germaniæ Imperii Romani nomen, quin potius, quemadmodum ex parte ex illis quæ attulimus patet, haut absque ratione ea sibi istud vindicat. Etenim cum jus in urbem Romanam ab Ottone quæsitum adhuc hodie duret, haut immerito titulum Romani Imperii sibi vindicat cui Roma de jure subest. Neque enim assentiri possumus Cl. Freinshemio jura ista esse deperdita opinanti in *diatrib. 1. de S. R. I. Elect.*

Elect. & Cardin. preced. §. 6. Quin quod communi consensu à tot seculis ei attributum est, & hodie publico Europæ totius stilo attribuitur, & nos tribuimus: satis gnari, nec possibile, nec fas esse inolitum usum immutare. Quam ob causam, à communi loquendi modo discedere nolentes, Imperii Rom. Germanici Officiales hos, queis de agimus, Principes indigavimus. Solet enim, quod tralatitium est, non modo dici Romanum Imperium **das Römische Reich** / sed plerumque Romano-Germanicum Imperium, cum appposito sc. nationis Teutonicæ **das Römische Reich Teutscher nation.** Imperii verò vox optimo jure nostro illi specialiter ac per excellentiam competit: quandoquidem nostri Imperatores in Carolo atque Ottone Magnis in dignitatem ejus Imperii quod Romanum appellatum est, successere. Atque hac ratione singula in titulo hujus dissertationis occurrentia vocabula rectissime explicari posse ac debere censemus. Id quod primo omnium utique faciendum nobis fuit. Addi interim possunt quæ adversus Davidis Blondelli contumelias atque obtrecciones Cl. Boecl. in *S. Rom. Imp.* eruditè disseruit.

VI.

Officialium vero illorum, de quibus nonnulla differere instituimus, origo undenam petenda sit, videamus. Sane si hac parte non viam quæ eundum, sed qua itum est sequi velimus, è veteris Romani Imperii rebus

rebus hæc quoque nobis essent deducenda. Ita enim
vulgò de maximis ad nostram temp. pertinentibus
negotiis juribusque videas differere plurimos eos-
que ceteroquin hautquaquam indoctos, ut flexis ad
rempubl. Romanam oculis, ex hac tanquam fonte
aliquo res Germanicas derivare annitantur, quod
quam ineptum atque inconueniens sit, ex iis quæ *th. 3.*
ac 4. allata sunt, in promptu est colligere. Neque
enim Germania nostra Imperii Romani veteris laci-
nja aut pars est, neque ad Romanos mores res suas
composuit, sed libera plane sui que juris habenda
est respublica. Quapropter nec nos decebit hoc
loco de Officialibus, qui sub Romano Imperio sive
antiquiore illo, sive postea sede ejus Constantinopoli
translata exstiterunt, agere, ad quos quæ per-
tinent, ut primum Digestorum & tres ultimos Codi-
cis Justiniani libros taceamus, tum è *Notitia digni-*
tatum Orientis & Occidentis, Guidonis Pancirolli notis
luculentè illustrata, tum è Jacobo Gutherio de *Offi-*
ciis domus Augustæ, Georgio Codino de *Officiis Ecclesiæ*
& aulæ Constantinopolitaneæ, cum Gretseri annotationibus
edito, similibusque scriptis abunde peti possunt. Quin
potius non ex alienis sed propriis ac domesticis,
hoc est, Germanicis rebus veteribus hæc sunt arces-
senda. Licet nec illud prorsus diffiteri audeamus,
ut alia nonnulla ad aulæ splendorem facientia,
ita quoque in his quædam saltem ad eos Ger-
manos, quibus cum Constantinopolitani Imperii

C

subdi-

subditis commercii quidquam fuit, quo in numero
cumprimis fuit Otto III Imperator, Græca matre
natus, profluxisse. Quoniam vero Franciæ regni in
Carolo M. ad summum culmen evecti portio qua-
dam est nostra Germania, ad prisca Francorum in-
stituta præcipue nobis erit respiciendum.

VII.

Apparet autem vetustas rerum Germanicarum
historias evolventibus, jam olim sive hæc ipsa, sive
his similia officia in usu apud Francos fuisse. Cujus
rei præter ceteros testem locupletem Adalhardum
Caroli M. propinquum & Abbatem Corbejensem
habemus. E cujus libro de ordine palatii Hincma-
rus Remensis Episcopus in *epist. pag. edit. Sirmond. 207.*
narrat, primarium Ecclesiasticos inter Officiales fuisse
Apocrisiarium, qui idem Capellanus & Palatii custos
dictus est. Atque is idem videtur sustinuisse officium,
quod is qui Gregorio Turonensi in *hist. Francorum*
tum lib. 5. cap. 45. tum alibi passim Referendarius au-
dit. Verba Hincmari hæc sunt: *Apocrisiarius quem*
nostrates Capellanium vel Palatii custodem appellant, omnem
clerum Palatii sub cura & dispositione sua regabat. Cui so-
ciabatur summus Cancellarius, qui à secretis olim appellaba-
tur: erantq. illi subiecti prudentes & intelligentes ac fideles
virī, qui præcepta Regia absq. immoderata cupiditatis ve-
nalitate scriberent, & secreta illius fideliter custodirent.
Post eos verò sacrum Palatium per hos ministros disponeba-

tur, *CAMERARIUM* videlicet, Comitem Palatii, Comitem
stabuli &c. Annales Francici à Petro Pirhæo editi ad
 annum 1500 & 1501. ita habent: *Directi sunt ad Lega-*
tionem in Basileriam in Bojariam de parte Regis, Ludol-
phus Diaconus atq; Eberhardus Magister Pincernarum. Et
 ad an. 1500 & 1501. *Ludovicus Imperator Bernbardum*
Barcinone CAMERARIUM in palatio suo constituit.
 Addantur his quæ de rebus Germanicis optimè me-
 ritus Lehmannus *Chron. Spir. l. 2. c. 7. §. 8.* affert. E qui-
 bus aliisque deinceps subinde producendis testimo-
 niis assertionis nostræ veritas satis liquet.

IX.

De tribus autem Imperii Archi-Cancellariis pau-
 cis initio nobis erit agendum. Nolumus vero hic
 congerere illa quæ de Cancellariorum initiis atque
 primis temporibus officio possent commemorari.
 Legant quæ copia placet hæc de re præter M. Aurel.
Calliodor. l. 11. variar. epist. 16. Fr. Hotoman. *comment.*
verbi grat. voc. Cancellarius. Briffon. *1. sel. antiq. 16.* Cl.
Salmasium notis ad Flav. Vopisc. pag. 483. & seqq. &
Casaubonum ibidem p. 282. & seq. Illud constat inter
 eruditos, & partim ab iis quos laudavi, partim ab al-
 liis doctissimis Viris luculenter ostensum est, vetustis-
 simis temporibus nomē Cancellarii ignoratum, post,
 ubi coepit, exile aliquod nec magni momenti munus
 eo designatum, nunc vero à quammultis seculis
 maximū honoris officium denotare. Ad quod fite
 C 2 admini-

administrandum cum virtute doctrinaque haut tenui
sit opus. Et verò olim in Germania propemodum
apud solos Clericos doctrinæ aliquid residere credi-
rum sit, omnisque pene apud Germanos eruditio
Monachorum claustris fuerit inclusa, mirum non est,
si ArchiCancellarii officium atque dignitas sacerdo-
tibus ac Theologici studii peritis potissimum com-
mendata legantur. Observat vero solers ille rerum
Imperii veterum dum vivebat indagator, Vir pietatē
doctrina ac nobilitate eximius Bernhardus à Mal-
linckrot, commentariolo de *ArchiCancellariis Imperii*,
primum S. Cunibertum Coloniensem Episcopum
seculo post N. C. VII. ArchiCancellarii titulo esse
usum, exque eo tempore varios nomine isthoc fu-
isse gavisos, nec ad sedem aliquam privativè, ut ita
loquamur, istam dignitatem esse delatam, nisi de-
mum sub Ottone I; sub quo demum sedes Mogun-
tina honorata fuerit perpetuo isto ArchiCancellaria-
tus jure & honore. Quantumvis enim diffiten-
dum non sit, jam tum ante illa tempora, facta illa su-
pra memoratâ ingentis Francorum Imperii in tres
partes divisione, Moguntinum qui in ditionem Ro-
gni Francorum Orientalis concessit, (ad quam Co-
loniensis ac Trevirensis tum nondum pertinebant)
locum inter Præsules primum obtinuisse, unde & à
Wittichindo rerum Ottonis M. scriptore eorum in
historia inaugurationis Ottonis lib. 2. sub initio Pontifex

Maximus it. Pontifex Summus appellatur: tamen non ante quam sub hoc Ottone. I. perpetuo jure Moguntina sedes ArchiCancellariatus decore est ornata. Quod num privilegio & voluntate Imperatoris expressâ, an verò tacitâ factum sit, non potest certò definiri. Post VVilhelmum sanè primum ArchiEpiscopum Moguntinum filium Ottonis I, serie continuâ ista sedes ArchiCancellariatum retinuit, quem hodiènum exercet. Hinc adeo apud Moguntinum Archivum seu Chartophylacium, quo publica Imperii documenta actaque continentur, ut & Matri-cula Imperii asservatur: eique ut olim ita & hodie Imperialium decretorum signatura competit.

IX.

Ceterùm sequentibus temporibus Trevirensis quoque & Colonien-sis dignitatem ArchiCancellariorum fuisse consecuti. Quod quando præcise factum sit, ob silentium Historicorum haud facile dictu est. Scribit lequidem Onuphr. Panvin. *lib. de Comit. Imp. cap. 6.* trium ArchiCancellariorum institutionem paulò ante vel potius circa primi Ottonis Imperatoris tempora exortam fuisse; sed cum id non probet, & contrarium multa svadeant, fidem ei habere non possumus. Illud pro certo licet affirmare, Friderico Enobarbo imperante Italicum Cancellariatum jam ad Coloniensem translatum fuisse, cum diplomata quæ ab ArchiEpiscopo Colonien-si sub Italicæ Archi-

Cancellarii nomine tempore Friderici istius recognita fuisse noscuntur, existent. Ac tum Moguntinus qui antea simpliciter ArchiCancellarii titulo gaudebat, cum appposito, *per Germaniam*, coepit audire. Habemus apud Chapeavillium *tom. 2. rer. Leod.* diploma quo Fridericus I Imperator Episcopo Leodiensi confirmat privilegia de anno 1155. apud Civit. Tridentinam, quod Arnoldus Coloniensis ArchiEpiscopus Italici regni ArchiCancellarius subscripsit. Alia complura testimonia in hanc rem producit supra laudatus Mallinckrot *d. lib. part. 3. memb. 3.* Dum vero is ArchiCancellarius per Italiam audit, per hanc Regnum quod fuit Longobardorum & veteris Romani Imperii reliquiae intelliguntur. Ceterum possit cuiuspiam videri, jus illud ArchiCancellariatus Coloniensis ArchiEpiscopi jam esse extinctum: idque ideo, quoniam per sat longum tempus illo is non est usus. Tralatitium vero est, etiam non usu talia jura ac privilegia posse amitti. Et fatendum est, quemadmodum nostri Imperatores jam diu in Italiam nihil pristino more tentarunt, ita nec hunc forte ullum sui ArchiCancellariatus actum longo tempore exercuisse. Rarius sane post Friderici II tempora Italiam adierunt Imperatores, certe longas ibi moras non facile fecere: plerique vero illorum eam nunquam ingredi satius duxerunt. Verum enimvero recte docent] Cuiusvis non-usum ad amittendum privilegium

legium aut prærogativam nequaquam sufficere, sed
ad hunc effectum requiri talem quem privativum illi
appellant & negativo contradistinguunt, Necesse esse
ut quis occasiones utendi habuerit; hæque si defu-
erint præscriptionem non habere locum: quæ de re
differit Suarez de *LL. lib. 8. c. 33. 34. 35. & Carpoz.*
Inrispr. for. part. 2. c. 3. def. 23. Quales occasiones cum
ArchiEpiscopo Colonienſi datæ non fuerint, omni-
no hoc ei jus non periisse; sed si fiat, ut trans Al-
pes cum Cæsare agat, eodem eum uti posse, nulli du-
bitamus.

X.

Non esse autem temporibus Friderici I anti-
quiores Trevirensis ArchiEpiscopi ArchiCancellari-
atum per regnum Arelatenſe, hoc potest esse indi-
cio: quod istud regnum à Carolo Calvo in terris
Germaniæ imperio debitis per injuriam primò con-
ditum, hinc per proprios Reges aliquamdiu admi-
nistratum, inde ab Ottone I rursus reipublicæ nostræ
adjectum, post præpotentium Comitum ipsi præfecto-
rum rebellionem rursus nonnihil Imperio subductum,
Fridericus I Imperator demùm recuperavit. Ita enim
hæc de re inter alia Güntherus *lib. 6. Ligurini:*

Quæq; relicta sibi jam libertate vetusta

Gaudebat tellus, venientem milite paucos

Agnoscit dominum supplex, Regemq; fatetur.

Loquitur autem de Burgundia. Et enim Fridericus

ille

ille Dicum, priori conjugē Adela Hochburgica ob
cognitionem dubiamque fidem dimissa, Beatricem
Reinoldi Burgundiæ Comitis filiam heredemque uni-
cam matrimonio sibi junxisset, hoc regnum, Bur-
gundiam ac Provinciam comprehendens, Imperio
restituit. Quæ prolixius ejus patruus Otto Frisii-
gensis Episcopus *lib. 2. cap. 29.* commemorat. Itaque
credibile est, vel istis, vel sequentibus temporibus,
hunc quoque ArchiCancellariatum institutum fuisse:
idque tum ob antiquitatem Trevirensis ArchiEpisco-
patus, tum ob commodum ad rem illam situm. Vix
vero claram hujus ArchiCancellarii mentionem le-
gas ante Bullam Auream Caroli IV: unde nonnulli
tum primum eum hanc dignitatem nactum fuisse
proferunt. Cl. Strauchius *dissert. Exoter. 2. num. 9.*
Quamvis autem regnum Arelatense à Galliæ regibus
occupatum sit; parumque ejus hodie possideat
Germania, tamen cum jura in illud ipsum nostro Im-
perio adhuc integra sint, uti bene meritis Præceptor
operis de Finib. Imp. cap. 24 luculenter ostendit, ne-
que non utendo, ubi non tulit se occasio, hic quoque
titulus cum jure eidem annexo sit amissus, utique
non inanem prorsus eum esse aut vanum, manifestum
est. Hi autem ArchiCancellarii hoc inter alia ha-
bent peculiare, quod eorum quisque in suo Archi-
Cancellariatu in solenni processione gerat super ba-
culo argenteo sigilla & typaria Imperialia. *A. B. tit. 26.*

XI. Atq;

Atque præter illos tres Imperii nostri ArchiCancellarios nullos agnoscimus. Quamvis enim & Fuldensis Abbas à longis temporibus titulo ArchiCancellarii splenduerit, tamen id non ad Imperium nostrum sed Imperatricem pertinuit: de quo proinde nostrum nunc non est differere. Brevitatis quoque amore sicco pede præterimus, quæ de illorum trium Subofficialibus qui ViceCancellarii Imperii ~~Reichs~~ ViceCantglar audiunt, tum è veteri tum recenti historia poterant afferri. De quibus parte alterâ antea laudati libri Mallinckrotus prolixè satis atque eruditè tractat.

Nunc itaq; ut ad ea quæ seculares Electores hodie obeunt Officia nos convertamus, ordinis ratio efflagitat. Esse vero & illa perquam antiqua è *th. 7.* potest constare. Meretur autem observacionem, ea prisco isthoc ævo nequaquam hereditariæ certisve familiis cõnexa, sed ambulatoria fuisse: quod è rerum Germanicarum scriptoribus facilimum est ostensu. Notabilis imprimis & quæ diximus egregie illustrans locus est apud VVitichindum *lib. 2. Annal. sub init.* ubi is Ottonis Mi inau-
gurationem coronationemque ac dehinc solenne convivium describit. *Divina deinde, ait, laude dicta sacrificioq; solenniter celebrato descendebat Rex ad Palatium*

Et accedens ad mensam marmoream regio apparatu ornatam
 resedit cum Pontificibus Et omni populo: Duces vero mi-
 nistrabant: Lothariorum Dux Giselbertus, ad cuius pote-
 statem locus ille pertinebat, omnia procurabat: Eberhardus
 mense præerat, Herimannus Franco Pincernis: Arnul-
 phus equestri Ordini Et eligendis locandisq; castris præe-
 rat Et c. Hic clarè patescit quatuor Officialium fieri
 mentionem. Primus Giselbertus CAMERARIUM
 egit, quod licet in dubium vocet celeberrimus Boecler-
 us in *Ottonis I. historia*: non tamen ejus ponderis
 sunt illius rationes, ut ab hac sententia nos que-
 ant dimovere. Ac ad stipulatur nobis Imperii rerum
 peritissimus Goldastus qui *lib. 3. de juribus Regni Bohe-
 miæ cap. 8.* cum disertè Camera præfectum appellat,
 Eberhardus Dapiferatum, Hermannus Pincernatum,
 Mareschallatum Arnulphus obivit.

XIII.

Memorabilis quoque è veteri historia est Dittma-
 si Mersburgensis *lib. 4. Chron.* descriptio solennitatis
 Paschalis ab Ottone III in Quedelingenburg celebra-
 tæ: Cujus hæc sunt verba: *Quatuor ministrabant Du-
 ces: Henricus ad mensam, Conradus ad CAMERAM,*
Hecibad Cellarium, Bernhardus equis præfuit. Primus
 Baviariæ, secundus Franconiæ, tertius Palatinus, quar-
 tus Saxoniæ Duces exstiterunt. Observat autem
 Anipliff. Dn. Præses not. ad *Lampad. part. 3. c. 4. §. 23.*
 in secutis monumentis nullam ferè illorum Officio-
 rum

rum comparere memoriam usque ad Friderici
tempora. Ut interea non nihil hanc rem in deservitu-
dinem coepisse abire, non improbabilius inde queas
colligere. Unus apud Ottonem Frisingensem oc-
currit locus *lib. 7. c. 19.* Ubi is de Lothario Saxone
Imperatore memorat, quod *Regem Dacie (Daniae)*
insignum subjectionis ad decorem Imperialis reverentiae gla-
dium sibi sub corona deferre fecerit. Is itaque Archi-
marschallum tum egit. Ceterum de Friderici
celeberrimo conventu Moguntiae anno *MDCLXXXII*
celebrato ita scribit Arnoldus Lübecensis *lib. 3. c. 9.*
Officium Dapiferi seu Pincernae, CAMERARII seu
Marschalli non nisi Reges vel Duces aut Marchiones ad-
ministrabant. E quibus omnibus, clarè patescit, huc
usque quidem certis familiis annexa hautquaquam
fuisse isthæc Officia, nec veritati consentaneum esse
quod nonnulli non dubitant profiteri, jam Ottonis
III tempore ejusdemque beneficio illa hereditaria
facta fuisse. Quia imò valde est verosimile, ne qui-
dem ad vitam Principibus qui semel ea gesserant
competuisse, sed potius in conventibus Imperialibus
singulariter iis qui præ ceteris eminere videbantur,
esse demandata. Norunt enim qui vel leviter in
scriptoribus rerum Germanicarum sunt versati, per-
quam rarò cunctos Imperii nostri Proceres comitia
adiisse, quin perfrequenter modò hos modò alios
haut paucos emanasse. Nec tamen uspiam legas,

unius fortè aut alterius absentis loco alium tanquam
vices gerentem ullum ex hisce muneribus obivisse.

XIV.

Quemadmodum autem Fridericus Barbarossa,
Regiæ dignitatis Majestatisque Imperatoriæ studio-
sissimus, devicto Duce potentissimo Henrico Leo-
ne, alia ad Imperii honorem pertinentia reduxit, ita
etiam hæc revocasse in usum videtur; quin haut va-
nè licet conjectare hunc isthæc Officia hereditaria
effecisse. Indicant enim non obscure Arnoldi Lü-
becensis *ib. anteriori* adducta verba, Officia illa ab
iisdem qui hodie illis gaudent tunc esse administrata.
Atque hanc conjecturam confirmat, quod Frideri-
cus Bohemiæ Duci Uladislao quem amabat, quique
fidelem ipsi in bellis præstiterat operam, regium ti-
tulum contulit ceu ostendit Goldastus *lib. 3. de juri-
bus regni Bohemiæ c. 10.* quem vix unus alterque Bo-
hemorum ante ex speciali Imperatoris privilegio
fuerat nactus. Idem verò Fridericus Comitatum Pala-
tinum Rheni etsi non instituit primus, tamen magno
honore ac dignitate auxit atque ornavit, ac heredita-
rium, ut videtur, illum effecit. Gerebat autem tum
temporis illum Conradus frater Friderici I. Initio
scilicet Comitum in Francorum Imperio non magna
fuit auctoritas, sed iudices ordinarii eo nomine ap-
pellabantur, illi scilicet, qui per pagos vicosque,
quos gouas dicebant, jus dicerent, qui etiam Gra-
viones

viones audiebant. Et habuit quoque palatium suos Comites, qui Palatini dicti, quorum quale olim fuerit munus exponit Hincmarus *in epist. pag. 208.* Cum vero regnum Germaniæ duplici jure regeretur, Franco & Saxonico, & illud tractum Rheni, Belgium, Sueviam, Franconiam &c. complecteretur, hoc vero Saxonicum tractum usque ad Balthicum mare, hinc duo enati præcipui Palatini, Saxonicus & Rhenanus. Fateri autem cogitur rerum Palatarum indagator diligentissimus felicissimusque Marq. Freherus, de Comitibus Palatinis ad Rhenum vix certi quid ante sec. XII posse reperiri. Vide ejus *Origin. Palat. lib. 1.*

XV.

Adhæc Brandenburgico Marchionatui decus suum largitus est Fridericus. Etsi enim dudum ante Henricus Auceps domitis Henetorum populis qui totam Arctoam Germaniæ oram à Vistula usque ad Albim & Salam possederant, & expugnato Brandeburgo oppido Havelæ fl. adjacenti, custodem limitis adversus Venedos ibi collocaverat, tamen subinde in priscam se libertatem vindicare rursus cœperunt Heneti, donec Albertus Ursus (filius Ottonis Marchionis in Soldvyedel ex vetusta familia Comitum Ascaniæ & Ballenstet propagati, cui Henricus V titulum & insignia Marchiæ Brandeb. contulerat) tandem recuperata oppressis Henetis Marchia

anno c19 c l11. Mersburgi à Friderico Enobarbo inauguratus est. Cumque aliquot annis post Henricus Leo esset proscriptus, Bernhardus Alberti Ursi filius Saxoniam quoque universam Marchiæ adjunxit. Vid. plurib. hæc commemorans David Chytræ. *orat. de Marchia Brandenb.* Tam benè de Marchia isthac meritis cum fuerit Fridericus, perquam sane probabile est, cum quoque splendidum ArchiCamerarii officium Marchioni illi concessisse. Saxonix vero Duci ideo fortè Marschallatus officium assignatum est, quod Duces Saxonix & magnæ semper in Germania auctoritatis existerant, & sæpe hoc munere in curiis Imperialibus fuerant defuncti. Sane cum Friderici I filius Philippus Imperator crearetur, jam existisse illos Officiales patet ex illis, quæ de schismate inter Philippum & Ottonem IV commemoratis, qui per ea tempora in Germania vixit, Conradus Abbas Urspergensis. *Tota, inquit, Curia Imperialis, & Officiales Imperii adhaerunt Philippo cum Principibus quamplurimis.* Ex illis autem quæ tum is tum alii qui istius ævi res gestas describere uberius narrant, novimus, & ArchiCancellarios Moguntinum ac Trevirenses, & initio Comitem Palatinum Fratrem Ottonis IV, Marchionem Brandeburgicum, Ducemque Saxonix à partibus Philippi stetisse, solo Coloniensi ArchiEpiscopo Adolpho ei obnitente.

XVI.

Postquam de tempore institutorum Officialium,
quan-

quantum ejus fieri potuit, constat, de singulis illis secularibus ut sigillatim quoque dicamus, lubet sequi illum ordinem quem *A. B. tit. xxvii.* observat, secundum quem Officia sua debent obire. Primus isthic loci nominatur Saxoniae Elector, non quidem ratione dignitatis, sed quia commode ante ceteros Collegas officium suum peragit; quod in solennibus conventibus est, posito ante aedificium sessionis Imperialis aut regalis avenae acervo tantae altitudinis, ut usque ad pectus vel sellam equi, cui insidet Elector, pertingat, habere in manu baculum argenteum mensuramque argenteam, hanc avena explere & famulo primitus venienti ministrare *A. B. d. c. 27.* Est scilicet is Imperii Archimareschallus. Quae vox unde descendat non lubet nunc anxie inquirere. Certum est eam apud Germanos ab antiquo rei equestri praepositum denotare Vid. *LL. Salicas. tit. xi.* In aula Francorum Regum olim Comes stabuli, corruptè Conestabilis, dictus est. Hotom. *Francog. cap. 17.* Quod si pro salute Imperii bellum gerendum sit, praecedit is reliquos Status, inque campis in adventu Imperatoris Ordines instruit, Goldast. *in rat. Imp. pag. 102.* Huc pertinet controversia in coronatione Caroli V. Caesaris inter Saxonicos & Juliacenses agitata de priore ingressu in urbem Aquisgranum, quam commemorat Hartm. Maurus *de coronat. Caroli V.* Vid. etiam Cl. Strauchius *diff. exot. 3. lib. ii.* Habet vero in hoc officio suo Vicarium, seniore[m] è fami-

è familia Dominorum de Pappenheim, cui quæ peragenda sint docet Sixtus Sommerus, quondam Vice-Mareschalli de Pappenheim substitutus, apud Carpz. de Leg. Reg. Germ. c. 10. sect. 6. n. 28.

XVII.

Alter dicto A. B. loco collocatur Marchio Brandenburgicus, eique hoc assignatur munus, ut in argentea pelvi Imperatori in solenni curia aquam manibus abluendis præbeat. Etenim, ut notissimum, est ille Imperii ArchiCamerarius, ita à Camera quæ olim cubiculum audiebat dictus. Errant verò qui hunc Præpositis sacri cubiculi apud veteres Romanos Imperatores, de quibus in Codice Justiniano nonnulla existant, comparare non verentur. Grandis enim utique inter utrosque est diversitas. Quod cum cuivis facile pateat, nolumus declarare. Idem in processionibus Imperialibus sceptrum defert à sinistro Electoris Saxoniz latere consistens. A. B. c. 22. & c. 26. §. 3. Sane sceptrum inde ab antiquissimis temporibus imperii signum ac symbolum esse nemo nisi omnium morum veterum rudis ignorat. Nam & sceptri Pharaonis in Genesi mentio fit, & Moyses ut populi Israelitici ductor virgam (sceptrum) manu gestavit, ut ex Exodo novimus. Livius lib. 1. Histor. Tarquinium Romanorum Regem eburneum sceptrum in summitate aquilam habens gestasse memorat. Dio aureo sceptro Cleopatram usam scribit, quod ea Augusto miserit.

Qui

Qui igitur apud tot alias gentes obtinuit sceptrum
gestandi mos, ad Germanos quoque tandem devo-
lutus est, hocque regium insigne Imperatori præ-
ferendi splendida provincia Marchioni Branden-
burgico concessa. Mota quidem ipsi est hac de re
lis in inauguratione Caroli IV Aquisgrani. Julia-
centis enim, in cujus clientelâ erat isthæc civitas, no-
vo Principi sceptrum præferre nitebatur: cui tamen
is qui tum temporis erat Elector Brandenburgicus Lu-
dovicus masculè restitit, pro quo pensitatis utrin-
que rationibus Carolus IV dixit sententiam. Vid.
Bojorum Livius Aventinus *lib. 7. Annal.* Ex quo tem-
pore quietè hoc jure frui sunt Marchiones.

XIX.

Ceterum cum hæcenus aliæ familiæ Marchio-
natum Brandenburgicum unâ cum dignitate Officia-
latus & Electoratus tenuissent, ad Serenissimam il-
lam, quæ nunc eâ gaudet, profapiam pervenit se-
culo post N. C. XV. Cum enim Fridericus IV, aliis
Fridericus VI, ex vetustâ Comitum Hohenzolle-
rensiurn prognatus familiâ, Imperatori Sigismundo
in Hungaricis Bohemicis & Imperii negotiis difficil-
limis strenuam ac fidelem operam navasset, creatus
ab eo fuit Marchiæ Brandenburgensis gubernator.
Sexennio autem post ab eodem Cæsare masculâ so-
bole destituto vendita ei est Marchia & Electoratus
atque Officialatus pro quatercentenis aureorum

E

millibus

millibus, ipseque in Concilio Constantiensi anno
1500, 1501 publico ac solenni ritu inauguratus
est. *Æn. Sylvius in hist. eorum que Friderico III Imp.*
gesta sunt cap. 1. Reiner. Reinec. orig. stirp. Brandenburg.
pag. 31. Renschel: Brandenb. Stammbaum pag. 20.
Hinc inter insignia Electorum hujus gloriosissimæ
familix sceptrum esse cepit in medio scuti; quod
cum nonnulli pro columna haberent, è Columnesio-
rum stirpe (unde originem familix hujus deducunt,) *illud esse petitū existimarunt. Hōpingck. de jure insign.*
q. 6. part. 5. §. 3 n. 620. Spangenberg lib. 1. Henneb.
Chronik c. 3. Cujus opinionis falsitas velex eo potest
esse manifesta, quod solus eo insigni utitur Elector,
non etiam ceteri ejusdem familix. Fridericus au-
tem, de quo jam diximus, cum genere inclyto & jam
tum multis rebus gestis conspicuo esset prognatus,
posteris quoque habuit consimiles, ut non immeri-
tò Joachimus Camerarius, *Vix inter eruditos magni*
nominis, in præm. ad Aphthonii Progymn. profiteatur:
Sive rem militarem spectemus, sive alias laudes; gravitatem,
inquam, magnitudinem animi, constantiam, addam
etiam mansuetudinem & humanitatem, vix invenientur
quorum tam excellens virtus fuerit, ut sit cum Branden-
burgensi illustrissima domo comparanda. Et vero si ce-
tera omnia ad familix alicujus gloriam pertinentia
huic profapiæ deessent, quæ tamen profecto abundè
suppetunt, vel illud unum eminentiam illi ac illu-
stre

strem splendorem conciliare aptum esset, quod Se-
renissimum Potentissimumque Principem Electo-
rem FRIDERICUM WILHELMUM Principem
ac Dominum meum Clementissimum produxe-
rit; cui sincera in Deum pietas, res bello ac pace forti-
ter præclareque gesta, prudentia insignis, constans
felicitas, merita tum in Europam ac Germaniam
universam, tum in proprias easque longè amplissi-
mas ditiones, gravitas moderatioque animi, aliique
infiniti laudum tituli dudum in Christiano præbe-
omni summam conciliarunt venerationem. O felicem
populum cui singulari divino beneficio talis tantus-
que Princeps obtigit! Cui suas vires Natura, ar-
tes suas Prudentia, suas opes Fortuna cumulatè con-
tulit. Tam felix, ut summo Numini non esse caris-
simus non possit; tam potens, ut vix ullus inter po-
tentissimos Germaniæ Principes comparari nedum
anteponi ipsi queat; tam mitis, ut nulli non sit ama-
bilis, tam benignus, ac facilis, tam munificus, ut ne-
minem à suo sermone tristem discedere patiat; ac
ut verbo dicam, cunctis animi, corporis fortunæque
dotibus instructissimus. Sed non est mearum vi-
rium aut propositi hujus tam divini Herois ac verè
Germanici Achillis in omnem æternitatem ituras
laudes nunc commemorare. Quas nec ingenii mei
tenuitas capere, nec quisquam, vel disertissimus,
digno potest elogio prosequi.

Uti itaque in viam revertamur; Vicarius Archi-
Camerarii est Comes de Hohenzollern, qui in subscrip-
tione *der Cammergerichts Ordnung zu Costentz*
de anno 1597. & alibi passim *des Heil. Römischen*
Reichs ErbCämmerer indigitatur. Is absente Ar-
chiCamerario officium illud solet exercere. Coepit
vero ei lis moveri à Legatis Electoris Brandenburgici,
qui sicut in ceteris Principalis sui vices subeunt, ita
quoque in præferendo sceptro eas representare vo-
luerunt. In Matthiæ quidem coronatione Baroni à
Budlitz Legato Brandenburgico hac in re Comes de
Hohenzollern est prælatus. Sed in coronatione
Ferdinandi IV Regis Romani orta est rursus hac de
re inter hereditarium Imperii ViceCamerarium &
Legatos Electorales Brandeb. controversia. Horum
tunc interpositam protestationem Limnæus. *Addit ad*
lib. 3. c. 7. n. 74 adducit. Res adhuc, ni fallor, est
indecisa. Simili vero ratione in coronatione Ca-
roli V Regis Bohemiæ Legatus excluso VicePin-
cerna de Limpurg vinum aqua temperatum propi-
nare Cæsari voluit, ut Hartman Maur, *de Coronat.*
Caroli V. tradit, qui tamen pro SubPincerna tunc
esse iudicatum testatur.

XX.

Tertio loco in citato A. B. textu Comiti Pala-
tino suum assignatur officium: quod est, sive potius

ante-

antehac fuit, Imperatori recens coronato quatuor scutellas argenteas cibis repletas offerre, unde Imperii Archidapifer audit, quem titulum ab antiquo ille gessit. Neque enim assentiri possumus Christophoro Gevvoldo, Bavariæ Ducibus una cum Electoratu hunc quoque Officialatum, ut ita loquamur, speciosè admodum vindicare contendenti in *lib. de S. R. I. Septemviratu*. Quin longe majoris ponderis sunt, quæ in contrarium à Marquardo Frehero tum in *Palatinis Originibus*, tum in *epistola responsoria de Electoratu S. R. I. comitiæ Palatinæ Rheni antiquitus annexæ & coherentis* sunt adducta. Aliquot enim locis in Bulla Aurea, quæ meritò eorum quæ ad jura Electorum pertinent norma constituitur, hic Dapifer nominatur, Bavari nulla facta mentione *Vid. cap. 7. §. 20*. Non permittit brevitatis propositum, ea quæ utrinque afferuntur excutere. Videatur compendiosè illa recitans diligentissimus Limnæus *lib. 3. de I. P. cap. 9. n. 9*. Idem Comes Palatinus in solenni processione pomum Imperiale gestabat. *A. B. c. 22*. Qualis globus Frehero *not. ad Petr. de Andlo p. 182* teste universalis imperii signum fuit ferè ab omni antiquitate. Denotat enim terram ob rotundam figuram suam. Ita statuam Jovis, quæ Constanti nopoli, & illam Justiniani quæ Augustonæ collocata fuit, tale pomum gestasse Codinus testis est.

Illud vero pomum Caroli V Imperatoris con-
 cessione Fridericus II Palatinus clypeo quem
 in insigniis gerit inseruit, ad exemplum Electro-
 rum Saxonis & Brandenburgici, quorum ille ense
 hic sceptrum in insigniis habet. Hubertus Thomas
 lib. 23. de vita Friderici II Palat. Imperator, scribit,
 ad Fridericum, inquit: Friderice volo, quod non meum
 est, nec habeo tibi donare; dono mundum, quem inscul-
 ptum tu & posteritas tua Electores in signis vestris defera-
 tis, quemadmodum vobis antiquo jure & a prima Ele-
 ctorum institutione solemnibus Curie Imperialis festis
 manu gestare competit. Pomum est cum crucis signo.
 Quod ab ea die Elector suis signis in medio rubri scuti in-
 sculpi fecit, & nunc gestat.

XXI.

Quomodo autem durante exitali illo,
 quod per XXX annos patriam miserè afflixit,
 bello, anno hujus seculi XXIII die 25. Februar,
 frustra obniventibus Saxono & Brandenburgico, à
 Ferdinando II Imp. dignitas Electoralis, Fride-
 rico V Palatino Exregi Bohemiae adempta, cum
 omnibus annexis juribus in Maximilianum Bava-
 rum translata, & quomodo eadem per Instrum.
 Pac. art. 4. confirmata, & Octavus Electoratus in-
 stitutus sit, notius est, quam ut opus sit enarrari.
 Illud, tamen praterendum non est, quod cum
 dubium videretur, num verbis Instrumenti Pacis

ArchiDapiferatus officium Palatino esset ere-
 ptum, affirmantibus id Bavaris ob vocab. *Offi-
 cis* quod id. *Inst. Pac.* occurrit, negantibus contra
 Palatinis, ex hac verissima ratione, quod Archi-
 Dapiferatus non sit jus Electorali dignitati con-
 nexum cum illud Palatini diu ante quam hanc
 nacti sunt gesserint; tandem speciali quoque trans-
 actione hoc quoque officium Bavaro Palatinus
 cesserit, ipsi novo ArchiThesaurarii munere attri-
 buto. *Theatr. Europ. ad annum 1651. Auctor der wol-*
gegründeten Abfertigung der Chur-Bayerischen
fernern anzeige wegen des Vicariats pag. 50. Qua-
 propter hodie Palatinus in solennibus, processio-
 nibus non pomum Imperiale, quippe quod gestat
 Bavarus, sed coronam portat, inque solennibus
 conventibus projectionis pecuniæ facit initium;
 ipse infimum Electores inter, quamdiu VVilhel-
 mina linea erit superstes, locum obtinens, & Sub-
 Officiarios habens Comites de Sintzendorff.
 Quemadmodum Bavarus Barones VValpurgen-
 ses. *Dieterichs ad art. 27. A. B. p. 313.*

XXII,

Bohemiæ Rex quanquam ceteros Seculares
 Electores dignitate antecellit, quippe qui in ce-
 lebratione curiæ alios Reges omnes quicunque
 sint præcedit. *A. B. tit. 6.* ac Imperatorem nullo
 interveniente sequitur *tit. 22:* tamen quod ad Offi-
 cium

cium ejus, quod est, Imperatori primum poculum porrigere, spectat, id postquam ceteri munia sua jam impleverint peragit: ut è sæpè laudato Const. Carolina loco satis est manifestum. Possit verò mirum videri, hunc Germanici Imperii Officialem esse, cum ex multorum sententia nec Teutonicus sit, nec Imperii Status. Quorum prius illi confirmant eo, quod Saxonicus Speculator eique coævus Albertus Stadensis apertè scribant, cum non esse nostræ nationis: alterum inde, quoniam is sessionem ac jus suffragii ferendi in Comitibus non habet; ut præter alios tradit Auctor *der Grundfeste des Heil. Römischen Reichs* *part. 2. c. 4.* Nos quamvis negare non possimus, illud ipsum Regnum Slavicum esse, tamen hinc non tam ad gentis originem putamus esse respiciendum, quam anne jus Principum Germ. unquam consecuti fuerint Bohemici. Quod utique eos nactos fuisse inde sequitur, quoniam in solennibus Imperii conventibus & ipsi comparere olim debuerunt. Id quod è rerum Bohemicarum scriptoribus præcipuis, Dubravio, Ænea Sylvio, ac Melchiore Goldasto abunde constat. Iunge quæ Ampliss. Dn. Præses *operis de fin. c. 29.* differuit.

XXIII.

Ad alterum verò quod attinet, licet verissimum sit, id tamen veram Status sive Civis Imperii notam

tam constituere, si is votum sessionemque in Comitibus obtineat, tamen Bohemiæ Regi peculiari privilegio indultum videtur, ut nihilominus talis sit, quamvis illud ab annis propemodum ducentis non peregerit. Imo verò, cum, ut è Politicâ doctrinâ novimus, non requiratur ad essentiam Civis, ut is omnibus de republica deliberationibus intersit, sed sufficiat si ad præcipuas vocetur, Bohemiæ vero Rex consultationi ceterarum omnium facile præcipuæ de capite Imperio Germ. præficiendo adhibeatur, patet eum vel sic locum inter nostræ reipublicæ Cives meritò invenire. Sunt vero inde ab antiquo Regis Bohemiæ in Pincernatus officio Vicarii Barones de Limpurg. Hos enim jam tempore Friderici II eo fuisse gavisos è subscriptione Bullæ ejus Imperatoris apud Goldast, in *Statut. & rescript. Imper. p. 74. & in ration. ad Constit. Imp. p. 75. seqq.* apparet.

XXIV.

Duo, antequam claudamus hanc dissertationem, expedienda nobis sunt, in quorum utroque vulgò non una ratione errari consuevit. Primum est, quonam tempore ac auctore hi Imperii Officiales Electoralem dignitatem sint consecuti: alterum, num illi suos Electoratus aut Officia à Bambergensi Episcopo in feudum recognoscant. De priori argumento scripti toti libelli noti sunt.

& partim ab Excellentiss. Dn. Præside ad *Lampad.* part. 3. c. 4. §. 1. recensiti, partim etiam à Goltasto in *Politica Imperialia* conducti. Fuit sane per duo secula constans opinio, quæ etiam hoc ipso tum à Simone Schardio *Jcto*, tum à Christophoro Gevvoldo peculiaribus scriptis magno molimine propugnata est, ævo Ottonis III. hujusque consanguinei Gregorii V. Papæ illos Electores esse constitutos. Sed cum illa constitutio nusquam exstet, deque eâ apud scriptores omnes cæteroquin minima maxima annotantes altum usque ad Friderici II. tempora sit silentium, pateat contra è rerum gestarum monumentis, Imperatorum Germanicorum usque ad Henricum Hassiæ Landgravium nullum prorsus per Septem viros electum, sed in Comitibus communi omnium Procerum suffragio illos esse declaratos, recte ab hac, communi licet, sententia discesserunt Avenrinus, Onuphrius Panvinus elegantissimo *de Comitibus Imperatoris commentariolo*, Baronius, Lehmannus *Chron. Spir. lib. 5. cap. 17.* Thuanus *lib. 2. hist.* Mallinckrot *de Archicancell. lib. 2. c. 3.* & Ampliss. Dn. Præses in *dispp. de Electoribus, de Ducib. ut & not. ad Lampad. d. cap. it. not. ad Bullam Innocentii X. p. 193. & seq.* Quorum argumentis maximi utique ponderis adducti hodie plerique cordatiores undique applaudunt, & nos quod præter album calculum

adjiciamus non habemus. Optimè enim quod ad tempus attinet Onuphrius ac Baronius sentiunt, qui tamen in auctore assignando aberrant.

XXV.

Ut autem compendiò veram, quam Excell. Dn. Præsidis fideli informatione accepimus, sententiam proponamus, statuimus: Nulli omnino Pontificum Romanorum, nec Gregorio V, nec X, neque Innocèntio IV, nec alii eorum ulli Septemvitalis collegiù institutionem deberi. Neque etiam expresso cujusdam Cæsaris consensu illud coepisse. Sed spontaneo Principum Imperiù decreto solos Officiales esse eligendi jus adeptos, idque tunc, cum seculo XIII status Imperiù esset turbatissimus. Primi sane qui de Electoribus quidquam memoriæ prodiderunt, sunt Martinus Polonus, Albertus Stadenfis, & V Vilhelmus Durantes Speculator alias dictus, quorum verba adduxit Ampliss. Dn. Præses ad *Lampad. d. l.* è quibus licet is, quem primo loco nominavimus, Martinus, communem quam supra rejecimus opinionem firmare videatur, tamen nec ipse apertè ei adstipulatur; & quantavis id faceret, tamen in re tam longè ab ipsius memoria distante haut satis tutò fidem ipsi haberemus. Fors enim & is deceptus fuit fabula illa quam tum spargebat Curia Romana de jure eligendi illis septem jam Ot-

tonis III ætate concessio. Quocunque verò initio
nati sint præcipuum illud præ reliquis Principibus
jus Septemviri, (hodie IIXViri) certe jam inde
à sec. XIII. in perpetua fuerunt ac tranquilla ejus
possessione, præsertim postquam per Auream
Bullam aliasque Imperii Leges fundamentales ex-
presse id ijs est firmatum.

XXVI.

Accedimus ad alterum de quo adhuc differe-
re instituimus: num scilicet hæc officia sint feuda
Ecclesiæ Bambergensis? Merito hic protinus
crassum eorum errorem explodimus, qui ipsa
Electoratuum feuda à Bambergensi petenda esse
sunt opinati, quos inter sunt Spangenberg in
Chron. Saxon. cap. 161. Sturt. de Imp. Rom. cap. 36. n. 12.
Megiserus Annal. Carinth. lib. 7. c. 6. scribens: *Es*
hat Kaiser Heinrich (intelligit Henricum II)
fast die fürnehmsten Fürsten im Reich dem Bis-
thumb Bamberg zu Lehnleuten gemacht / da-
her sein noch heutiges Tages alle Churfürsten
des Reichs des Bischoffs zu Bamberg Lehn-
leute / dergestalt / daß er sie (als mit einem Lehen)
belehnet mit den Churfürstl. titul und Nah-
men / und mit dem was ein jeder als ein Chur-
fürst hat und besitzet. Sane Henricum II (li-
cet summo favore Bambergensem Comitatum,
quem ipse in Episcopatum erexit, fuerit prosecu-
tus)

tus) hoc ipsi indulgisse nullo potest indicio probari. Imò concedere id non potuit, cum istis temporibus libera adhuc fuerit electio. Novimus quoque ex *A. B. c. 7.* investituram Electoratum Imperatori competere, id quod hodierna praxis sequitur. Neque etiam ipsa illa Officia Imperii ministerialia quatuor secularibus Electoribus ab antiquo competentia à Bambergensi conferuntur; ea quippe cum nexu indissolubili cum dignitate Electorali hodie conjuncta sint, una cum hac quoque ab Imperatore concedi solent, utè literis investituræ datis Augusto Saxonie Electori à Ferdinando I liquido probat Carpzov. *quest. 1. ad A. B. subjuncta disp. feud. 10.* Undenam ergo iste communis error natus est? Inde, quod quatuor illi Imperii officiales ad similia illis, quæ Imperatori debent, Officia Episcopo Bambergensi per SubOfficiarios præstanda adstricti sint, eoque respectu nonnulla bona ad Electoratum pertinentia in feudum ab eo recognoscant. Unde & alios illi in suis officiis habent Vicarios: Bohemus Pincernam nobilem de *Muffas* / Palatinus Dapiferum de *Dommeresfelden* / Saxo Marschallum von *Ebnex* / Brandenburgicus nobilem de *Rotenhan*. Vid. præter Carpzov. *d. l. Limnæ. de l. P. 111. 7. 67. & seqq. & in addit. ibid. it. ad Capit. Carol. V. pag. 123.*

Sicut autem in permultis aliis in Principum regimine mirram cum ipsius Imperii administratione similitudinem licet deprehendere, ita quoque in hisce Officiis Principes Germaniæ Imperatores nostros sunt imitati. Reperias enim passim in Ducatibus Cancellarium, Mareschallum, Camerarium, Pincernam, Dapiferum &c. Quamquam hæc duo posteriora Officia non adeo frequentia sint. Neque id novum aut recens institutum est, ut ex *Constitutione de expeditione Romanâ* Carolo Crasso vulgò tributâ & à Marquardo Frehero commentario illustrata recte colligimus. Cujus inter alia hæc sunt verba: *Singuli Principes suos habent Officionarios speciales: Mareschallum, Dapiferum, Pincernam & Kamerarium.* Quamvis autem meritò hanc constitutionem suspectam esse ostenderit Ampliss. Dn. Præses de *Orig. Juris* cap. 17. tamen cum ea jam XII circiter seculo conficta fuerit, vel sic pater, antiquum admodum illud esse institutum. Quemadmodum verò Imperatores Officia Imperii ministerialia cærtis quibusdam familiis hereditario jure concesserunt, ita & illas dignitates in suis ditionibus Principes contractû feudali hereditarias effecere, ut usus testatur. Quæ & similia latius nunc exponere non finit
propo-